

UGOVOR O USTUPANJU PRAVA NA KORIŠTENJE PODATAKA

Zaključen između:

1. **Agencije za posredničke, informatičke i finansijske usluge, Banja Luka, ul. Vuka Karadžića br.6 (u daljem tekstu: Agencija), zastupana po VD direktora Blaško Kaurin, s jedne strane i**
2. **Company Wall d.o.o. Banja Luka, Bana Milosavljevića 8, Banja Luka (u daljem tekstu: Naručilac), zastupan po direktoru Klemen Kljun, s druge strane**

PREDMET UGOVORA

Član 1.

Ovim Ugovorom regulišu se prava i obaveze između Agencije, s jedne strane i Naručioca, s druge strane, pri ustupanju prava na korištenje pojedinačnih podataka iz seta podataka od 21 pozicije AOP-a za privredna društva (11.201) iz Registra finansijskih izvještaja (u daljem tekstu: Registar), za finansijsku 2022. godinu, a koja imaju sjedište u Republici Srpskoj, putem masovnog ustupanja.

BITNI ELEMENTI UGOVORA

Član 2.

(1) Ugovorne strane su saglasne da su bitni elementi ovog Ugovora :

- ustupanje prava na korištenje pojedinačnih podataka iz seta podataka -AOP-a Naručiocu (odabrani podaci iz obrađenih izvještaja obveznika izvještavanja, pogodni za masovno ustupanje), na osnovu narudžbe- pismenog zahtjeva;
- ustupanje podataka iz registra poslovnih subjekata: jib, adresa, šifra djelatnosti i opština;
- naknada koju Naručilac plaća Agenciji za ustupanje prava na korištenje pojedinačnih podataka iz seta podataka -AOP-a od 21 AOP pozicije.

(2) Ugovorne strane su saglasne da je za pravnu valjanost ovog Ugovora potrebno da Agencija ustupi Naručiocu pravo na korištenje pojedinačnih podataka iz seta podataka, a Naručilac se obavezuje da će za ustupljeno pravo platiti naknadu.

KORIŠTENJE PODATAKA

Član 3.

Ugovorne strane su saglasne da Naručilac ustupljeno pravo na korištenje podataka može koristiti isključivo za svrhu koju je naveo u zahtjevu, a to je komercijalni interes Naručioca.

Član 4.

(1) Komercijalni interes Naručioca podrazumijeva sljedeće:

- kreiranje bonitetnih i finansijskih izvještaja, akvizicionih listi po parametrima, analiza industrija, komparativni pregledi za pojedinačne kompanije i industrije,
- kreiranje proizvoda putem vlastitog web portala.

(2) Temeljan prikaz svrhe korištenja ustupljenog prava na korištenje podataka, nalazi se u Prilogu ovog Ugovora, koji je Naručilac dostavio Agenciji.

Član 5.

(1) Ugovorne strane su saglasne da Agencija prenosi na Naručioca pravo korištenja pojedinačnih podataka iz seta podataka - AOP, isključivo u svrhu navedenu u članu 3. i 4. ovog Ugovora.

(2) Ugovorne strane su saglasne da je Naručilac odgovoran da svrha korištenja ustupljenog prava na korištenje podataka, iz Priloga, i pri podnošenju zahtjeva, ne smije biti u suprotnosti sa odgovornošću Naručioca da izvorne podatke ustupljene na korištenje od Agencije, ne smije dalje da prodaje i/ili ustupa, na bilo koji način, trećim licima, u cjelosti ili djelimično.

Član 6.

Ukoliko Naručilac želi ustupanje prava na korištenje podataka koji nisu obuhvaćeni ovim Ugovorom ili ustupljeno pravo na korištenje podataka želi upotrijebiti u svrhu koja nije navedena u Ugovoru, dužan je podnijeti novi zahtjev i zaključiti novi ugovor sa Agencijom.

NAKNADA ZA USTUPLJENO PRAVO I NAČIN PLAĆANJA

Član 7.

(1) Ugovorne strane su saglasne da će Agencija sačiniti predračun na osnovu ponude broj 01-1271-1/23 od dana 13.06.2023. godine za ustupljeno pravo korištenja pojedinačnih podataka iz seta podataka -AOP koja čini sastavni dio ovog ugovora.

(2) Ugovorne strane su saglasne da naknada za ustupljeno pravo na korištenje pojedinačnih podataka iz seta podataka-AOP iznosi 0,20 KM + PDV po jednom subjektu izvještavanja.

(3) Naknada koju je Naručilac dužan platiti iznosi 47.044,20 KM uvećanu za PDV, odnosno ukupno 55.041,71 KM.

(4) Naručilac je dužan da izvrši plaćanje naknade iz stava 3. ovog člana u cijelosti na račun Agencije prije preuzimanja podataka.

(5) Nakon izvršene uplate Agenciji podaci se prosljeđuju Naručiocu posla.